

Immer vnd mere genade gar
 Als ez indem wasser swebr
 Vnd fliegende inden lufften lebet
 Nach der art als es sol wesen
 Man sechs fliegen od chriechen
 Das hiez got werden vnd sprach
 Do erz so gut nach wunsch sach
 Wachset ewer werde vil
 Vnd erfullet ewer zil
 Das di erde ewer werde
 Vol vnd aldes wazzes dran
 Das geschach es must ergan
 Als er wolde es ward also
 Morgen vnd abent wurden do
 Mit dem der funfte tag erschein
 Do des werden licht verschein
Den tag sulte wir genozen
 Dem hohen tag dem grozzen
 Das got nicht lenger wolt sparn
 Er wolt hin zehymel varn
 Vnd ingotlichen wizen
 Des vater zeswemligen
 Dem er von angenge frist
 Ye waz vnd eben gewaltig ist
 Dy raine gotes aufuort
 Bezeichent mit gotlicher art
 Das got andem funften tag
 Liez werden nach gewerer sag
 Die engel di so hoche swibent
 Inden lufften vñ darinne lebent
 Vnd mit ringer leichter chraft
 Swibent ob ald erde geschafft
 Als got geleichet mazz
 Durch slug dez lufftes strazz
 Do gewaltichleich
 Fur hin ze hymelreich
 Vnd den seinen hiez her nider
 Das von hymel sagen wider
 Als er dar fur also wold er

Auf di erde wider her
 Chomen auf reht gericht
 Nach redlicher slicht
 Zetailen über alle mensche chint
 Di danne tod od lebendig sint
 Mit iegleicher chunft
 Dies ist dy seul di funft
 Dy nyemans chraft chan wid grabē
 Dy auch das haus sol auf enthaben
 Das dy weishait glauben har
 Vnd ir weislicher rat
Allem disem dinge
 Sprach got dierde pringe
 In lebendem gaist schir
 Alhie beschafft got alle tyer wilde
 Vnd hameleiche in alle der gangen
 Welt vnd alle wurme

